



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt V. Varij sermones de narrati cœtus euentis. Accessus Oratorum Venetorum. Dilata eorum exceptio, & qua de causa. Negata Grimano Patriarchæ audientia. Epistola Oratoris Gallici, Sessionis ...

**urn:nbn:de:hbz:466:1-11665**

ex administratione Ordinis Cassinensis euectus fuerat, Republicā nominante, ad eam ampliorem dignitatem: & præter hos Antonius Coccus Archiepiscopus Corcyrensis, Martinus Corduba Episcopus Durtanensis, Archiepiscopus Panormitanus, aliique viri præcipui è Siciliæ ac Neapolis Regnis; & Abbas qui Heluetici Cleri personam gerebat. At verò inter eos, qui absolutè declaratio nem petierunt, complures numerabantur, quos multò magis ea de Pontifice ratio permouisset, præcipue aliquot Episcopos Pontificiæ ditionis: exempli gratiâ Sutinus Reatinus Eflinenis, tum tres supremi Præsides Ordinum Mendicantium, qui peculiari quadam subiectione Apostolicæ Sedi obsequuntur, & Episcopus Pisaurensis, frater, vt obseruatum est, Simonettæ, & Pastor ciuitatis subiectæ Principi, qui non solum Pontifici subditus erat, sed eius nepoti arctissimo consanguinitatis nexu coniunctus. Sed techna est ne quiter insolecentium accommodata, vulgo vilem reddere, quasi seruilis animi, reuerentiam minorum erga maiores.

## C A P V T V.

*Varij sermones de narrati cætus euentu. Accessus Oratorum Venetorum. Dilata eorum exceptio, & qua de causa. Negata Grimanico Patriarchæ audience. Epistola Oratoris Gallici, Sessionis prolationem postulantis.*

**T**antum abfuit, quod res in Pontifice reposita gratum illi obsequium foret, vt verius in tricas inexplicabiles ipsum coniecerit. Etenim quemadmodum & suâ & communi Patrum sententiâ scripsit<sup>a</sup> ad Cosmum Orator Florentinus, odiosum videbatur, nolle Pontificem vt ad declarationem procederetur, quando longè pluribus illa fuerat absolutè probata, quam absolute improbata: & inter eos qui eam probarant, ferè omnes erant ex nationibus ab Italica distinctis, præsertim cum à multis ea censetur efficacissimum adiumentum ad collapsam disciplinam reparandam; vt proinde si Pontifex illam reiiceret, linguas obtrectatorum vellicaret, vociferantium, Ecclesiæ restituendæ ac reformandæ ipsum deesse. Contrà verò si declarationem eligeret, non leuia id afferebat incommoda, offenditionem partis non modicæ, & quæ si bi persuaserat, in ea sustinenda sententia Pontifici se magis fatiere: quare ubi se viçtam ipsius voluntate animaduerteret, facile potuisset animi propensionem in alienationem indignabunda conuerte-

Pars II.

D d d d

re:

<sup>a</sup> In litteris memorialis ad Cosmum Ducem.

1562. re : præterea, minùs decoram rationem constituendi dogmatis per Fidem credendi, quod plenam animi firmitatem exigit, tot Patribus contradicentibus. Accedebant sinistræ consecutiones, quas compertum erat à multis atræ bilis ingenii tamquam liquidas, tametsi falsò, deduci ab ea positione : ac denique, vbi cetera defuisse, iacturam emolumenti, quod Pontifici proueniebat & in benevolentia & in existimatione, ex eo quòd ipse solius operis cunctis accepti auctor esset, nimirum conuocandi sustinendique Concilij, auctoritate suâ litigiis, quæ ibi excitarentur, minime interiectâ.

Quod egerant Præsides, perinde ipsis contigit, ac illi qui medius est inter duos aduersis affectionibus percitos, ab utraque nimis partium reprehendi. Qui declarationem oderant, conquerabantur, quòd per eam improuisam percontationem in quaestione tam ardua voluissent Concilium ad abortum adigere, fœrum maturescere haud permittentes : qui oppositam sententiam tuebantur, voti minimè compotes, exhibitam ad id rationem damnabant: quare non defuit, qui consilium, quod ad facilius rem conficiendam susceptum fuerat, quandam quasi artem illius impediens fuerit interpretatus, dicens, Patres fuisse clare locutos in superioribus cœtibus, & à Legatis inductam nouam suffragationem, non quòd sententiae clarescerent, sed quòd reuocari possent. Verumtamen viri purgatione mentis acie Præsidum consilium commendabant tamquam sincerum & rationi consentaneum, & quo quodcumque aliud magis speciosis obnoxium criminationibus crederetur.

At verò consilium à conuentu susceptum maiori vituperationi subiacebat. Bellaius præsertim, qui recens è Gallia venerat, id agro animi stupore mirabatur; Pontificis esse, conuocare, cogere, confirmare, ac terminare Concilium, in Patribus esse potestatem a libertatem decidendi. Eadem cum Bellaio sentiebat Muglizius Archiepiscopus, & eius fortasse calamo iidem sensus Cæsarî sunt impressi, cum illum de re gesta docuit. Hic enim in responsis<sup>4</sup> non mediocrem ea de causa molestiam animi præ se tulit, scriptisque, posse hinc argui quām frigido animo essent Patres ad reformandam Ecclesiam, & quām exili libertate potireruntur. Certum est, Muglizium haud sibi temperasse, quin hanc suam mentem depromeret non sine quadam asperitate. Superioris instar, in cœtu subsecuto, castigaretque potius quām admoneret Patres immoderata altercationis, ac susceptum consilium reprehenderet, quasi libertati Synodi perniciosum. Sed non unus solum ex Episcopis illi respondit, mode-

<sup>b</sup> Literæ O-  
ratoris Flo-  
rentini ad  
Cosmum,  
23. Aprilis  
1562.

<sup>c</sup> Eadem lit-  
teræ.

<sup>d</sup> Epistola ad  
Oratores,  
Pragâ,  
9. Maij  
1562.

moderata quidem, sed ponderosa ratione ab eo postulans, ut maiorem in loquendo conuentus rationem haberet, simul etiam ostendit, libertate se neutquam spoliare eos, qui in rebus arduis & malignis ob contrarias inter se rationes ac sententias sponte configunt ad illius iudicium, quem Deus vniuersae Ecclesiae rectorem constituit: idem nonnumquam usurpari a cunctis cordatis conuentibus erga suos Principes ac Magistratus.

1562.

Nec turbida illa commotio intra cancellos arcani circumspecti se coercuit. Primus quidem Praesidum ad finem memorati conuentus grauissimis verbis Patres commonefecerat, ne tumultum excitum vulgarent, prout Ecclesiae dignitas, proximorum charitas, & priuata pariter ipsorum existimatio postulabat: Idcirco in more positum esse, ut huiusmodi consilia clausis foribus habeantur, quod patefacta solum formosam specie prudentis apparatus, subducatur populorum aspectibus quidquid venerationis detractionem fuisset legum latoribus, adeoque legibus latius. Præter haec prudentia Praesidum hortamenta, multi Patrum in exitu e confessu calamitosâ illa dissidia lacrymis deplorarunt, cupidissimi ea occultandi, quando facultas deerat impediendi. Sed in rebus magna hominum frequentiae notis nimis arduum est arcanum: siquidem paucorum levitas seu perturbatio, prudens multorum silentium inutile reddit. Atque ita tunc res accedit. Breui cunctæ aures, ac dein ora Tridentinorum eo turbarum fragore sunt oppleta: & paucos intradie quot ferè litteræ inde profectæ sunt, tot famæ linguae concrepuere, quibus omnes Orbis Christiani prouincias rumor perusit; in quo pariter contigit id, quod tum in magnis torrentibus, tum in magnis casibus euenire solet, ut in ipsorum cursu quocumque ferruntur, externis accessionibus intumescent.

Neque satis habuit fama aut prudentiam carpere, aut mentem accusare, aut amplificare detrimenta: sed ausa præterea est indecora quedam in capitibus maximè venerandis, & in ipsis Legatis comminiisci, quasi Mantuanus ac Seripandus industriam & auctoritatem impenderint ad emendicandas sententias declarationi fauentes, & ad oppositas Simonetta. Osio & Altempio minor in politicis rebus peritia, in altero ab ingenij simplicitate, in altero a ponuria ætatis & experientiae profecta, immunitatem ab huiusmodi calumniis obtinuit. Sed Mantuanus, vir in quo minima inter doctes erat amplitudo natalium, plagas tam acerbas excepit, ut suæ dignitatis sollicitus se flexerit ad varias testificationes a Patribus sibi intimis comparandas, per quas insimulantium falsitas retundere-

D d d d 2 tur.

1562. tur. Et quoniam de Seripando tamquam certum serebatur à multis, id quod à quopiam ceu possibile putabatur; hoc est, cùm ipse Concilio interfuit ætate Pauli III. summus Eremitarum Moderator, promotam ab eo fuisse omni conatu definitionem huiuscmodi; cui tunc reiectæ, nunc eumdem, auctâ sibi potestate perperam vsum, studuisse per immoderatam animi affectionem fauere: ipse dedit operam, vt eius collegæ in ea Pauli III. Synodo, iureuando testarentur, ex ore Seripandi ne nomen quidem huius questionis tunc auditum fuisse. E conuerso insimulatus est Simonetta, quod ob omnium oculos Pontificis gratiâ & vtilitate proposita, impetratisque litteris idem sonantibus a Borromæo ad aliquot Praefules, conatus fuisset per hos nexus libertatem linguarum illis obstringere. Sed, quemadmodum verum fuit, illum acriter repugnasse declarationi propositæ, & cùm esset apertissimo ingenio, nullies deprompsisse quid ipse sentiret, & quibus niteretur fundamentis; ita tam ille fuit alienus à munienda sententia sua alio præter rationem præsidio, quam clarè id patefacit narrata sententiarum discordia inter ipsum ac fratrem, intactâ tamen animorum coniunctione. Id ipsum proportione obseruatum est in aliis Praefulibus, qui singulari benevolentia Gonzagam & Seripandum prosequabantur.

Legati cùm intelligerent, nihil in ea re statui posse, non accepto prius responso Pontificis, ex conuentus voluntate designarunt in codem cœtu Patres aliquot ex singulis nationibus, qui Decreta concinnarent de reliquis tribus capitibus iam expensis, sicuti dictum est; simulque denuntiarunt, vt ad sex proximè apposita perpendenda procederetur: duo siquidem postrema<sup>e</sup>, de matrimonio clandestino, in id temporis reiecta sunt, quo de Sacramento Matrimonij agendum esset, eorum interim examine ac disputatione minoribus Theologis relictæ; hoc enim nomine appellabantur ij Theologi, quibus ius suffragij non inerat in generalibus cœtibus, quemadmodum in antealias conuocationibus notauiimus.

<sup>e</sup>Litteræ Legatorum ad Borromæum,  
20. Aprilis  
1562.

<sup>f</sup>Hic Orator fuerat apud Iulium III.  
ac deinde Dux Senatus,  
vt piæserunt Gratianus  
narrat in Vi-  
ta Commen-  
doni.  
<sup>g</sup>Litteræ Legatorum ad Borromæum,  
20. Aprilis  
1562. & A-  
cta Paleottii.

Die qui memorabilem illum conflictum antecessit, Tridentum<sup>7</sup> peruererant Oratores Veneti Nicolaus de Ponte<sup>f</sup> & Matthæus Dandolus, ambo spectatissimi Senatores. Obuiam in ingressu habuere nonaginta quatuor Patres. Prior incessit in equo, medius inter Hierosolymitanum Patriarcham, & Salmanticensem Episcopum, alter inter duos Patriarchas, Aquileiensem & Venetum. Sed excepti non sunt in generali conselio ante diem vigesimum quintum, Patrono illius Reipublicæ sacrum. Cunctationis causa<sup>g</sup> non fuit, sicuti visum est Suaui, quod solemnior actio redderetur, efe-

1562.

stiuo die actoribus accommodato; sed quod in litteris quas gererant, ex eius errore qui ab epistolis erat, nominabatur Synodus iis vocibus, *Vniuersalem Ecclesiam representans*, eademque *precedentis Continuatio* vocabatur; quorum alterum repudiatum iam fuerat, alterum consulto nondum declaratum. Et insuper Reipublicae litteræ solū erant ad conciliandam Oratoribus fidem, neque publica mandata proferebant, ut ipsi fauerent Synodo, eiusque sanctiones exciperent. Subsoluit id Legatis per Dominicum Bolanum Antistitem Brixensem, Venetum Patriitum, cui ob egregias hominis doctes plurimum confidebant Oratores, nec Praesides minus, adeoque semper & adhibitus & in pretio habitus singulariter in Concilio is fuit: huius proinde operā effecere Praesides, vt Oratores cursorem tabellarium ad Senatum mitterent<sup>h</sup>, & posteā litteras ac mandata, quā opus erat formā, reciperent; quod euenit. Die igitur vigesimoquinto, induiti holoserico raso violaceo, Ducum more, per insolitum ritum excepti sunt in Aede maxima, tum quod auctior esset honorificentia, tum quod iam incommoda hisce conuentibus euaserat<sup>i</sup>. Aula primi Legati, ob auctam adeuntium frequentiam, & ingravescentem tempestatis calorem. Ac posteā necesse fuit, vt hæc solū causa posterior prætenderetur, ibidem pariter coactis cœtibus, ad Oratores Cæsareos mitigandos, qui conquerebantur, honorificientius Venetos quām Cæsareos exceptos fuisse. Peroravit de more Nicolaus de Ponte; qui postinodum inusitatā modestiā orationis exemplar promere recusauit, causatus, par esse, vt ea, quippe sensis partus, usus necessitati, non ostentationis pompæ seruiret. Responsum illis redditum est, à Mutio Callino Archiepiscopo Iadrensi dictatum<sup>k</sup>.

<sup>h</sup> Litteræ Legatorum ad Borromēum, 23. & 25. Aprilis 1562.

<sup>i</sup> Litteræ Archiepiscopi Iadrensis, 30. Martij, & 27. Aprilis 1562. & responsum Cæsaris ad Oratores, 9. Maij.

<sup>j</sup> Diarium Mufotti.

8. Iam verò quando de Venetis incidit sermo, placet hīc reponere quod paulò anteā auditum fuerat, velle nimirum Grimanum Patriarcham Synodo se sistere, purgaturum criminaciones, quas alibi indicauimus<sup>l</sup>. Et sunt qui affirmant<sup>m</sup>, à Pontifice paratum annum ostensum fuisse ad id indulgendum: sed posteā siue sui sensus ductu, siue suafu Magistratum Inquisitionis Romanæ, imposuit Legatis<sup>n</sup>, vt denuntiandum Patriarchæ curarent, oportere ipsum non Tridenti sed Romæ se sistere, vbi causa pendebat non modò coram cœtu Cardinalium, de quo diximus, sed etiam coram Pontifice, qui sibi eam assumpferat: illinc ab ipso fugam fuisse apprehensum ob suspectos, ut aiebat, iudices, tametsi reuerà diffidendum ei non esset à viris illius Tribunalis; sed ad omnem securitatis amplitudinem ipsi polliceri Pontificem, se iudicium vniuerso Purpu-

<sup>l</sup> Litteræ Legatorum ad Borromēum, 26. Martij, &

1562.

<sup>m</sup> Monumenta Mufotti.

<sup>n</sup> Litteræ Borromei, & Ponificis ad Legatos, 18. Martij, & 21. Iunij 1562.

D d d d 3 ratorum

1562. ratorum Senatui commissurum. Rescriperunt Legati, se quamuis non admonitos ita responsuros fuisse; id forsitan affirmantes, ne suspicaretur Pontifex, ab ipsis suæ iurisdictionis amplificationem appeti. Dein verò significatum ab illis est, commonitum à se fuisse Grimanum per Barbarum Patriarcham, illius Adiutorem, ne accederet, idque proprio ipsorum quasi motu, Pontificis nomine haud interiecto; sed innotuisse, Grimanum ab eo consilio illuc accedendi iam anteà discessisse monitu Senatus, qui aduersam Pontificis voluntatem detexerat, tametsi ab eodem Senatu decretum esset, iteratis precibus eam conciliare, cupientissimo ut tam præcius Patritius innocens declararetur: quod sperabatur, ubi illius rationes apud Iudices omnino nouos, & quacumque suspicionis anticipatione puros producerentur. Quid autem postea contigerit, suo loco constabit.

Cœtus habebantur assiduè, quod perficerentur Decreta futura, Sessionis, decimo quarto Maij indictæ<sup>o</sup>: sed superuenere litteræ Lansaci, signatae die 14. Aprilis, ad Mantuanum<sup>p</sup> & ad Synodum scriptæ, quibus ille electum se Oratorem ad Concilium significabat, adiectis duobus collegis, Rinaldo Ferrerio Præside Parisiensi, & Guidone Fabro Confiliario magni Regalis Confiliari, siue adventus festinationem pro viribus pollicebatur; sed ubi non succederet eius accessus ante statutum Sessioni diem, Patres rogabat, ut tres quatuorve dies illam differrent. Propositum id à Legatis fuit generali conuentui die 20. Aprilis; & post longam dissertationem tempus ad deliberandum captum est ad proximum usque confessum<sup>q</sup>. Ratio dubitandi erat, quoniam<sup>r</sup> hinc petitio videbatur æqua & admodum moderata, cum præsertim coacta fuisset Synodus & petente Galliæ, & ad eam reparandam: hinc in dubium reuocabatur à Castanea, licerétnre Patribus præstitutum Sessioni diem extra Sessionem prorogare. Quod Granatensis negauit, propterea quod Sessionis dies oportebat ut certus esset & notorius, & solemniter indicitus, quod cuiilibet, ad quem spectabat, in promptu foret eam adire, adeoque priuatis cœtibus facultas illius mutanda non inerat; hoc enim pacto & occultus ille fuisset, & populus ab antea & non reuocata denuntiatione deceptus.

Hispani resistebant communiter huic dilationi<sup>s</sup>: Res ab eo sa- 10 cro sancto confessu solemni ritu firmatas absque grauissima ratione mutandas non esse; eam verò minimè videri in Sessionis dilatione. Quod si in emolumentum Galliæ id cessisset, ad Synodum delatum iri ea de re postulata & à Catholicis illis Principibus, & simul

<sup>o</sup> Acta Pa-  
leotti, & ar-  
cis Aelia, &  
litteræ Lega-  
torum ad  
Borromæum,  
25. & 28. A-  
prilis.  
<sup>p</sup> Letteræ ad  
Mantuanum,  
extant in  
Diario Syn-  
odi.

<sup>q</sup> Letteræ Le-  
gatorum ad  
Borromæum,  
postremo A-  
prilis 1562.  
<sup>r</sup> Acta Pa-  
leotti,

<sup>s</sup> Acta Pa-  
leotti, & Sal-  
manticensis  
Episcopi.

1562.

à Pontificio in Gallia Legato: Definiendum non esse in futura Sef-  
fione, quemadmodum fortassis Orator existimabat, ullum dogma,  
cuius gratiā foret opportunum Gallos audiri: paratas fuisse valdē  
tenues de disciplina sāctiones, quā ne minimam quidem illi re-  
gno variationem inducerent: neque pariter obiici posse, afferri ab  
Oratore aliquod magni momenti negotium prānuntiatæ Sessioni.  
Etenim si huiusmodi esset negotium, tam exiguo tempore matura-  
ri non posset; adeoq̄e opus foret in alteram postea Sessionem illud  
transferre.

11 Cūm in ea repugnantia consentire videretur ea peculiaris natio,  
fama peculiarem etiam rationem esse interpretata est. Etenim vbi  
Sessio absque Gallici Oratoris interuentu haberetur, Piscariæ Mar-  
chio, ad eam celebrandam Mediolano redditurus, Regisq̄ue litte-  
ras ac mandata delaturus, in æmulum dignitatis haud impegiſſet.  
Verū Lansaco præſente durum certamen præuidebatur: adeò vt  
Ferrariensis Cardinalis Pontificem monuerit <sup>1</sup>, vt is omnem con-  
tentioñem cunctationemq̄ue amouendam Oratori curaret de loco  
quem sibi deberi in Synodo putabat; aliter Tridento abituruñ il-  
lum exemplō sciebat, ed deteriori rei conditione, quām si neuti-  
quam veniferet, quantō nocentius rebus accidit, quōd post coniun-  
ctionem discindantur, quām si minimè coniungerentur.

12 At maior Patrum numerus ab Hispanis diligenterbat: Äquum  
perspicuē videbatur, morem gerendum esse Oratori petenti, vbi  
res liceret, neque vt censeretur illicita, Castaneæ dubitatio, &  
Guerreri sententia plerosque commouebat. Respondebant enim,  
in Concilij Sessionib⁹ non exerceri iurisdictionem contentiosam,  
per quam quispiam in ius vocetur ad suam causam agendam. At-  
que ita fuisse consuetum prorogare nonnumquam Sessiones extra  
Sessiones, quod in duodecima Constantiensis Synodi videre erat.

13 Temperamentum nihilominus excogitatum est, & in cœtu  
30. Aprilis cunctis probatum, quippe tum adductis utrimque ra-  
tionibus, tum efficacissimæ causæ, alteram ex partibus impellenti,  
sed non productæ, consentaneum. Id fuit, vt præscripto die 14. Sef-  
fio celebraretur, in qua solū procuratoriæ Oratorum litteræ ex-  
cipientur, dilatâ in octauum postea diem Sessione, in qua stabilita  
Decreta sancirentur, quod etiam Cæsar laudauit, vbi reficiuit <sup>2</sup>. Sæ-  
p̄e rerum agendarum difficultas ex eo nascitur, quōd duo summa  
capita, duo sibi repugnantia peruicaciter veile videantur: at reue-  
rà sibi per se non repugnant, sed tantum diuersa sunt, & ideò con-  
traria censemuntur, quōd nostræ crassæ mineruæ non videantur ea  
posse

<sup>1</sup> Litteræ  
Borromæti,  
6. Aprilis  
1562.

<sup>2</sup> In produ-  
cta epistola  
9. Maii ad  
Oratores  
Iuos.

1562. posse contingere nisi in duabus rebus sibi contrariis. Quemadmo-  
dum si quis maximum frigus in aqua solùm consideraret, & maxi-  
mam siccitatem solùm in igne: sed qui perspicaciorem mentis  
aciem obtinet, rem quamdam iis affectam conditionibus compe-  
rit, in qua illa simul coalescant, sicuti hæ quas diximus qualitates  
simul insunt in terra.

## C A P V T VI.

Bauaricorum Oratorum aduentus, eorumque difficultas cedendi  
Veneti. Expectatio Pontificie responsionis de mansione, ad  
Pendasij redditum. Philippi Regis litteræ, postulantes ut Syn-  
odus declararetur Continuatio, et eradatur particula, Propo-  
nentibus Legatis, et ab iis responsiones Regi reddita.

**P**rostridie peruenere Tridentum duo missi à Bauariæ Duce, et  
alter, cui Oratoris inerat titulus, Doctor Augustinus Paun-  
gatnerus, alter Ioannes Cauillonius, Theologus Societatis  
Iesu: ingressi sunt non priuatâ solùm ratione<sup>a</sup>, sed occultâ. Cum  
hi Legatos inuiserent, ipsis exposuerunt, se in mandatis habere, ne  
Ducis Orator vlli Oratorum cederet, iis exceptis, qui à Regibus aut  
ab Imperij Septemuiris mitterentur, adeoque infra Venetos eum  
confidere non posse. Responsum à Legatis est, Ab ea Republica duo  
regna possideri: sed illi subdiderunt, Fortasse sui Principis men-  
tem esse, ut inter regios etiam Oratores Veneti comprehenderen-  
tur; non tamen sui esse munera ita rem interpretari, ad Ducem de  
eo perscripturos. Interim ne in lites incidenter, se cupere sua man-  
data producere in cœtu, à quo Veneti ne grauarentur abesse. Präsi-  
des Episcopo Brixensi rem indicarunt, quam Patria suæ Oratori-  
bus blandè proponeret. Sed Episcopus id Venetis proponendum  
acriter dissuasit: ad primum enim rei sonum tum in Oratoribus  
tum in Senatu peracerba commotio fuisse coorta. Quapropter  
consilium suscepsum est, ut Osius, qui ob exercitum Nutrij mu-  
nus in Germania peculiarem amicitiam cum Principibus, alisque  
Catholicis illius nationis contraxerat, Bauaros rogaret, ut litteras  
per cursorem ad Ducem mitterent, significantes grauissima incom-  
moda quæ possent exciri, ubi ipse hanc de loco æmulationem cum  
Republica Veneta capere vellet, atque ut eorum solemnis accessus  
tantisper protraheretur, dum responsio Ducis peruenisset, quam  
Legati ex amore concordiae audiè præstolabantur.

Sed

\*Litteræ Le-  
gatorum ad  
Borroméum,  
4. Maij 1562.

Historia  
Concilij Tride-  
ntini  
pars II.

SIV